

(UKA2015/150)

**Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigissagaat Nunarsuarmioqatigiit ataatsimoorussamik isumaqatigiissutaat radioaktiviisut ikummatikut aamma radioaktiviisut eqqagassat isumannaatsumik isumagineqartarnissaat pillugit (Eqqagassalerinermut isumaqatigiissut)**

*(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)*

aamma

(UKA2015/151)

**Uunga siunnersuut: Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiortoqalersillugu ikiuunnissaq pillugu IAEA-imi nunani tamalaani isumaqatigiissummut (Ikiuunnissamut nunani tamalaani isumaqatigiissut) Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut**

*(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)*

aamma

(UKA2015/152)

**Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigigaat Atomip nukinganik sakkoqarluni pinerliiniartoqartarneranut akiuermut Nunarsuarmioqatigiit isumaqatigiissutaat**

*(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)*

aamma

(UKA2015/157)

**Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigissagaat International Labour Organization - ILO -p isumaqatigiissutaa nr. 115, sulisartut qinngornernut ingerlaartunut (ioniserende) illersorneqarnissaat pillugu isumaqatigiissutaasoq akuersissutigineqassasoq**

*(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)*

aamma

(UKA2015/158)

**Uunga siunnersuut: IAEA-imi atomip nukinganit atortussianik inissisimaffiini isumannaarinissaq pillugu nunani tamalaani isumaqatigiissummut allannguummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut**

*(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)*

aamma

(UKA2015/159)

**Uunga siunnersuut: Atomip nukinganut isumannaallisaaneq pillugu IAEA-imi nunani tamalaani isumaqatigiissummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut**

*(Inuussutissarsiornermut, Suliffeqarnermut, Niuernermut Nunanullu Allanut Naalakkersuisoq)*

**pillugit**

**Inuussutissarsiornermut Ataatsimiititaliap**

**ISUMALIUTISSIISUTAA**

**Siunnersuutit aappassaaneerpeqarneranni saqqummiunneqartoq**

Inuussutissarsiornermut Ataatsimiititaliaq suliarinninnermini ukuningga inuttaqarpoq:

Inatsisartunut ilaasortaq Siverth K. Heilmann, Atassut, siulittaasoq

Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia

Inatsisartunut ilaasortaq Justus Hansen, Demokraatit

Inatsisartunut ilaasortaq Suka K. Frederiksen, Siumut

Inatsisartunut ilaasortaq Iddimangiiu Bianco, Inuit Ataqatigiit

UKA 2015-imi ulloq 10. november 2015-imi immikkoortut tamarmiusut siullermeerpeqarnerisa kingorna ataatsimiititaliap siunnersuutit misissorpai.

UKA2015/150, 151, 152, 157, 158 159-ilu

J.nr.: 01.25.01/15EM-LABU-000150

J.nr.: 01.25.01/15EM-LABU-000151

J.nr.: 01.25.01/15EM-LABU-000152

J.nr.: 01.25.01/15EM-LABU-000157

J.nr.: 01.25.01/15EM-LABU-000158

J.nr.: 01.25.01/15EM-LABU-000159

J.nr.: 01.36.02.03-00143

## 1. Siunnersuutit imaarisaat siunertaallu

### 1.1 UKA2015/150 (*Eqqagassalerinermut isumaqatigiissut*)

Siunnersuut taanna uunga tunngassuteqartuusoq ataatsimiititaliamit maluginiarneqarpoq, Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigissagaat Nunarsuarmioqatigiit ataatsimoorussamik isumaqatigiissutaat radioaktiviussut ikummatikut aamma radioaktiviussut eqqagassat isumannaatsumik isumagineqartarnissaat pillugit.

Eqqakkanik isumaqatigiissut, ”qiimmassaatitit”-isumaqatigiissummik taaneqartartoq ikummatissat atorsimasat aamma eqqakkat radioaktiviussut isumaginerisa iluini nunarsuarmi tamarmi qaffasissummik isumannaallisaanikkut inissisimaffiup angullugulu attannissaanik siunertaqarpoq. Nunani namminerni killiffinnik nalunaarusiornerit aammalu ukiut pingasukkaarlugit Reviewimik ataatsimiittarnerit aqputigalugit nunani namminerni iliuuserisat aamma nunat tamalaani suleqatigiinnerup nukittorsarnerisigut tamakku pissapput. Ataatsimiinnerni taakkunani nunani namminernit nalunaarusiat oqaluuserineqassapput, aammalu ikummatissat atorsimasat eqqakkallu radioaktiviussut nunat ataasiakkaat isumaginninnerini unammillerfissat nukittuffeqarfigisallu suussusersineqassallutik. Ikummatissat atorsimasat sakkutooqarnermut atunngisatut atomip nukinganik nukissiorfinnit pippata ikummatissat atorsimasat isumaginerinut isumaqatigiissut atornerarpoq. Taamatuttaaq eqqakkat radioaktiviussut sakkutooqarnermut tunngasuunngitsunit sulianit pisuugaangata eqqakkanik radioaktiviussunik isumannaatsumik isumaginninnermut isumaqatigiissut atornerarpoq. Taamaattorli pisuni sulianit sakkutooqarfimmeersunit ikummatissat atorsimasat aamma eqqakkat radioaktiviussunit pinngorlutik pisunit pisimatillugit isumaqatigiissut atornerarneq ajorpoq. Aammattaaq allassimavoq Eqqakkanik isumaqatigiissut aallaavimmigut eqqakkat taamaallaat pinngortitamit akuutissanik radioaktiviussunik imaqarpata (NORM), atomip nukinganik ikumatitsinermi ingerlatamik eqqakkat pisimassaneri eqqarsaatigissanngikkaanni; tassalu atomip nukissiornermut, ilanngullugulu uranimik aatsitassarsiornermut sulianut atatillugu

### 1.2 UKA2015/151 (*Ikiuunnissamut nunani tamalaani isumaqatigiissut*)

Siunnersuut taanna uunga tunngassuteqartuusoq ataatsimiititaliamit maluginiarneqarpoq, Uunga siunnersuut: Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiortoqalersillugu ikiuunnissaq pillugu IAEA-imi nunani tamalaani isumaqatigiissummumut (Ikiuunnissamut nunani tamalaani isumaqatigiissut) Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut.

Atomip nukinganik pissuteqartumik ajutoortoqartillugu imaluunniit qinngornernik ulorianartunik pissuteqartumik ajornartorsiortoqalersillugu naalagaaffinnut ilaasortaasunut sukkasuumik ikiuuttussanik pissarsinissamut iluaqutaasussamik, nunani tamalaani sinaakkutissiinissaq, nunani tamalaani isumaqatigiissummut siunertaavoq, taamaaliornikkut malittaasut annikillisinneqarsinnaassallutik aammalu inuusut, pigisat avatangiisillu malittaasunut illersorneqassallutik.

Ikiuunnissaq pillugu naalagaaffiit ilaasortaasut IAEA suleqatigaat, aammalu naalagaaffiit ilaasortaasut sapinngisamik immikkut ilisimasalinnik, atortunik atortussanillu ikiuunnermi ilaatinneqarsinnaasunik toqqaassapput, tamannalu pillugu IAEA-mut ilisimatitsissallutik.

Nunani tamalaani isumaqatigiissut sinaakkutissatut ikiuunnermut tunngavissarititaasut pillugit aalajangersakkanik nalinginnaasunik arlalinnik imaqarpoq, ilanngullugit sulisunut aamma naalagaaffinnut ilaasortaasunut akileraarutinut akitsuutinullu tunngasut pillugit aalajangersakkat, ikiuulluni suliaqarnermut atatillugu pillarneqartussatut malersorneqarnissamut il.il. eqqartuussisulersuunneqarsinnaannginnissaq pillugu aalajangersakkat, aamma ikiuulluni suliaqarnermi aningaasartuutininik utertitsisarnissaq pillugu aalajangersakkat

### ***1.3 UKA2015/152 Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigigaat Atomip nukinganik sakkoqarluni pinerliiniartoqartarneranut akiunermut Nunarsuarmioqatigiit isumaqatigiissutaat***

Atomip nukinganik qunusiarinnikkut anguniagaqamerup pinaveersaarnissaanut, taamatullu iliuuseqartutut pisuusunik eqqartuussissutigoortitsinissamut sunniuteqarluartunik tigussaasunillu iliuuserisassat akuersissutiginnissaat siunertaralugit naalagaaffiit akornanni nunat tamalaani suleqatiginnerup nukittorsaanissaanik isumaqatigiissut siunertaqarpoq. Taamaalilluni toqutsinissamik, perulunnartumik inunnik ajoqusiinissamik imaluunniit annertuumik pigisanik imaluunniit avatangiisinik ajoqusiinissamik siunertaqarluni atortussianik radioaktiviunuk inerteqqutaasumik pigisaqarnissap atuinissallu ingammik pinerluttuussutaatitsinissamut tunngatillugu naalagaaffiit peqataasunut pisussaaffinnik arlalinnik isumaqatigiissut ilaatigut imaqarpoq.

### ***1.4 UKA2015/157 (sulisartut qinngornernut ingerlaartunut (ioniserende) illersorneqarnissaat pillugu ILO-p isumaqatigiissutaa nr. 115)***

Sulisartunit tamanit qinngornernik ioniseriisunik eqqortinneqartut sunniuteqarluartumik illersornissaannut pisarialittut alloriartoqarnissaata qulakkeernissaa isumaqatigiissutip siunertaraa. Sulisartup sumik suliaqarnera apeqqutaatinnagu isumaqatigiissummi piumasaqaat

atuuffeqarpoq, taamaattorli akuutissanut radioaktiviussunut atortunullu annikitsuaraarsuarmik qinngornilinnut tunngatillugu pinngitsoortitsisoqassaneranut ammasoqartitsivoq.

### **Illersuinissamut iliuserisassat**

Atugassatigut piunasaqaatinik makkuninnga isumaqatigiissut aalajangersaavoq: pisariaqanngitsumik qinngortinnissaq pinaveersaarneqassaaq. Sulisartunut killissatut naleqassusissanik aalajangersaasoqassaaq aammalu qanoq iliornissamut najoqqutassat pillugit sulisartoq ilitsersugaassaaq, aarleqqutaasunullu pisarialinnik allagartalersuisoqassaaq. Atorfeqartunik ioniseriisunik qinngorfigitiffiannik suliarisat oqartussaasunut nalunaarutigineqassapput. Sulisartup qinngorfigitinneri uuttortaalluni nakkutigineqassapput. Sulisartunik qinngorfigitissimasunik akuttoqatigiissaartumik nakorsamit nakkutilliineq ingerlanneqartassaaq, ajutoortoqartillugulu iliuserisassat arlallit aallartisarneqassapput: nakorsamit misissuinerit, oqartussaasunut nalunaaruteqarneq, pissutsinik misissuineq, kiisalu pisariaqartutigit ikiorsiinermit iliuserisassat isumagineqassapput.

Sammisamik ilisimasalittut nakorsap siunnersuutigisaanik akerliussumik sulisartoq kinaluunniit qinngornernik ioniseriisunik suliaqaqqusaanngilaq.

Tamakku saniatigut nunat ilaasortat malittarisassiat naapertuutsinnerinik nakkutilliinermik qulakkeerisumik aqutsisoqarnikkut aaqqissuussaqaarnissaat pillugu isumaqatigiissut piunasaqaammik imaqarpoq.

Qinngornernut ioniseriisunut sulisartut illersornissaannut malittarisassiat aamma aqutsisoqarnikkut aaqqissuussinerit tamarmik pinngortissimanissaannik Kalaallit Nunaata isumaqatigiissummik akuersissuteqarnera tunngaviliisuussapput. Nunami, imartami silaannarmilu sulinermit pineqartut illersornissamut iliuserisassat pilersinnerinut akisussaaffik danskit suliassaraat. Sinerissap avataani suliaqarnermut iliuserisassat pisariaqartut pinngortitsineq Kalaallit Nunaannit akisussaaffigalugu suliassaqaarfiuvoq.

### ***1.5 UKA2015/158 Uunga siunnersuut: (IAEA-imi atomip nukinganit atortussianik inissisimaffiini isumannaarinissaq pillugu nunani tamalaani isumaqatigiissummumut allannguummumut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut)***

Atomip nukinganit atortussianik inissisimaffiini isumannaarinissaq pillugu nunani tamalaani isumaqatigiissut, atomip nukinganit atortussiassat, assersuutigalugu sakkussianik

tunisassiornermi ilaatinneqarsinnaasut, nunani tamalaani assartuussinermut atatillugu susassaqaqngitsunit pissarsiarineqaqnginnissaannik isumannaarisoqarnissaanut tunngassuteqarpoq. Naalagaaffiit ilaasortaasut taamaalillutik atomip nukinganit atortussiassat assartorneqarneranni illersuinermi iliuusissanik pisariaqartunik aalajangiussinissamut pisussaaffilerneqarput, taamatullu naalagaaffiit ilaasortaasut iliuuseqarnermut erseqqinnerusumik allassimasunut arlalinnut pillaanissaq pillugu inatsisiliornissamut pisussaaffilerneqarlutik.

Saffiugassat uranimik akoqartut nunani tamalaani isumaqatigiisummi aalajangersakkani aalajangersimasuni pineqartunut ilaatinneqaqngillat, kisianni taamaattoq pisuni aalajangersimasuni illersuinermi iliuusissani ilaatinneqassallutik aammalu allatigut nalinginnaasumik ”mianersortumik ingerlatsivimi aqutsinermi” ilaatinneqassallutik (tassa imaappoq aalajangersimasumik annertussusilimmik illersuineq.)

Naalagaaffiit ilaasortaasut arlallit iliuuseqarnerisigut immikkut ilisimasallit suleqatigiit 2001-imi maajimi naliliipput suliassaqaqfinni arlalinni nunani tamalaani isumaqatigiisutit nukittorsarneqarnissaa pisariaqartinneqartoq. Tamatuma kingorna atomip nukinganit atortussianik inissisimaffiini isumannaarinissaq pillugu nunani tamalaani isumaqatigiisummut allannguutissatut nunani tamalaani isumaqatigiisummut siunnersuut suliarineqarpoq. Allannguutissatut nunani tamalaani isumaqatigiisut 2005-imi juulimi akuerineqarpoq. Allannguutissatut nunani tamalaani isumaqatigiisut malillugu atomip nukinganit atortussianik inissisimaffiini isumannaarinermi maannakkut aamma atomip nukinganit atortussiassanik atuineq toqqorsivimmiititsinerlu pineqartunut ilaasussanngorput, taamatullu inissisimaffiini isumannaarinermi maannakkut aamma atomip nukinganit nukissiorfiit ilaatinneqalissallutik. Allannguutissatut nunani tamalaani isumaqatigiisut malillugu naalagaaffiit ilaasortaasut pillarneqaataasaasinnaasunik iliuuseqarnerit pillugit inatsimmut tunngatillugu pisussaaffii, aamma misileraanernut tunngassuteqartussanngorlugit annertusineqarput.

Allannguutissatut nunani tamalaani isumaqatigiisut suli atuutilinngilaq, tassami atuutilissappat ”nunani tamalaani isumaqatigiisummut pingaarnermut” naalagaaffiit ilaasortaasut 2/3-iliisa ilaaffigilerlugu akuersinissaat imaluunniit akuersissuteqarnissaat pisariaqarpoq. Killiffik kingulleq naapertorlugu (januar 2015) naalagaaffinnit 152-init 87-it allannguutissatut nunani tamalaani isumaqatigiisut ilaaffigilerlugu akuersimavaat imaluunniit akuersissuteqarfigisimallugu, kisianni atuutilernissaanut maannakkorpiaq

UKA2015/150, 151, 152, 157, 158 159-ilu

J.nr.: 01.25.01/15EM-LABU-000150

J.nr.: 01.25.01/15EM-LABU-000151

J.nr.: 01.25.01/15EM-LABU-000152

J.nr.: 01.25.01/15EM-LABU-000157

J.nr.: 01.25.01/15EM-LABU-000158

J.nr.: 01.25.01/15EM-LABU-000159

J.nr.: 01.36.02.03-00143

naalagaaffiit ilaasortaasut 102-it allannguutissatut nunani tamalaani isumaqatigiissut ilaaffigilerlugu akuerisimassagaat imaluunniit akuersissuteqarfigisimassagaat pisariaqarpoq.

***1.6 UKA2015/159 Uunga siunnersuut: (Atomip nukinganut isumannaallisaaneq pillugu IAEA-imi nunani tamalaani isumaqatigiissummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut)***

Nunani tamalaani isumaqatigiissut pingaarnertigut, naalagaaffiit ilaasortaasut atomip nukinganit nukissiorfinni qaffasissumik isumannaallisaanermik pilersitsinissaannik siunertaqarpoq. Atomip nukinganit nukissiorfiit, nunani tamalaani isumaqatigiissummi pineqartunut ilaasut tassaapput inuiaqatigiinni atomip nukinganit nukissiorfiit nunami pilersinneqarsimasut.

Taamaalilluni nunani tamalaani isumaqatigiissut naalagaaffiit ilaasortaasut atomip nukinganit nukissiorfinnik pilersitsinissamut akuersissutinik tunniussisarneq pillugu, atomip nukinganit nukissiorfinnut nakkutilliineq misissuisarnerlu pillugit, aammalu akuersissutini akuliuttarneq utertitsisarnerlu pillugit inatsisiliornissamut ilaatigut naalagaaffiit ilaasortaasut pisussaaffilerneqarnissaannut tunngassuteqarpoq. Nunani tamalaani isumaqatigiissut aamma naalagaaffiit ilaasortaasut sulisartut aamma innuttaasut ulorianartunik qinngorfigitinnginnissaat (atomip nukinganit nukissiorfinnit) qulakkiissavaa. Kiisalu nunani tamalaani isumaqatigiissut aamma naalagaaffiit ilaasortaasut atomip nukinganut upalungaarsimanermik pilersitsinissaannut tunngassuteqarpoq

[\*Kalaallit Nunaanni atomip nukinganut upalungaarsimaneq Naalagaaffiup susassaqarfigaa, Upalungaarsimanermut Aqutsisoqarfimmit isumagineqartoq. Pisussaaffiit nunani tamalaani isumaqatigiissut malillugu Danmarkip pisussaaffigisai – aamma Kalaallit Nunaannut tunngatillugu - Atomip nukinganut upalungaarsimasut naammassisimavaat.]

**2. Siunnersuutit Inatsisartuni siullermeerneqarnerat**

Immikkoortut tamarmiusut siullermeerneqarneranni siunnersuutit tamarmiusut ilaannit tapersorsorneqartut taamatullu itigartinneqartut ataatsimiititaliamit oqaatigineqarsinnaavoq. Partiit oqaaseqartartuisa oqaaseqaataat siunnersuutillu siullermeerneqarneranni oqaaseqaatigineqartut Inuussutissarsiornermut Ataatsimiititaliamit innersuussutigineqassapput.

Taamaalilluni amerlanerussuteqartut Siumumeersut, Demokraatineersut Atassummeersullu Inatsisartut aalajangiiffigisassaattut Naalakkersuisup siunnersuutai politikikkut taperserpaat. Sinaakkutissatigut piumasaqaatinik inuussutissarsiornikkullu periarfissanik pisariaqartitsinermik naliliineq kiisalu Kalaallit Nunaata nunani tamalaani periutsit aallaavigalugit sulinissaanik kissaateqarneq tunngavigalugit taama tapersiineq ilaatigut oqaatigineqarpoq.

Siunnersuutit tamarmik itigartinneqassasut Inuit Ataqtigiit inassutigaat, tamatumani ataatsimut isigalugu tunngavilersuutigineqarluni partiip naliliinera naapertorlugu isumaqatigiissutinut siuliani taaneqartunut ilanngunnerup kingunerisassai eqqarsaatigalugit aalajangiinissamut tunngavissap sukumiisumik naammaginassusilimmik paasinarsisinneqarsimannginnera. Isumaqatigiissutit Kalaallit Nunaannit akuerineqarnissaat sioqqullugu innuttaasut tusarniarneqarlutillu oqallitsinneqarnissaat Inuit Ataqtigiinitt ugartorneqarpoq. Inuit Ataqtigiinniit piumasarisimavarput oqaluuserisassat immikkoortiternissaat, pisariaqarsorigatsigu ataatsimiitsitaliani ataasiinnaanngitsumi sukumiisumik suliarineqarnissai pingaaruteqartoq.

Inuit Ataqtigiit aamma piumasarisimagaluarpaat uranip nunat tamalaat akornanni passunneqarnerannut assartorneqarnerannullu isumaqatigiissutit pillugit Dansk Institut for Internationale Studier, DIIS-p suliani pillugit ataatsimiittitaliamut saqqummiussissasoq, isumaqatigiissutit pineqartut pillugit uranillu nunat tamalaat akornanni passunneqarnera pillugu Nunatta uranisiornissamik pilersaaruteqarnera pequtigalugu suliaqarsimanerat tunngavigalugu.

Inuit Ataqtigiit aamma isumaqatigiissutit atuutsilernissaasa siunnersuutigineqarneranut atatillugu apeqquserpaat, tusarniaariaaseq piffissarlu tusarniaaffigineqartoq tulluarsimanersoq. Aasap ingerlanerani suliffeqarfippassuit matoqqaneranni tusarniaasoqarpoq. Kattuffiit toqqaannartumik tusarniaavigineqarsimanersut aamma apeqquserpaat.

Partii Naleraq siunnersuutinut tapersiinanilu itigartitsinngilaq, innuttaasulli sutigut tamatigut tusarniarneqartarnissaasa pingaaruteqarnera erseqqissaatigalugu. Tamatuma saniatigut siunnersuutip uuma paasissutissanik tunngavissaqarmani akuerineqarsinnaanera partiimit ernumanartoqartinneqartoq oqaatigineqarpoq.



Ilaatigut siunnersuutit aappassaaneerneqarnissaat sioqqullugu siunnersuutit imarisaasa sukumiinerusumik misissorneqarnissaannik kissaateqartoqarnera aallaavigalugu siunnersuutit Inuussutissarsiornermut Ataatsimiititaliamut innersuunneqarput.

### **3. Tusarniaarnermut akissutit**

#### **3.1 UKA2015/150/152/157/158/159**

Isumaqatigiissutit arfinillit taakku pillugit aalajangiiffigisassatut siunnersuut eqikkaanerillu ulloq 12. junimit 6. augustimut, tassa sapaatip akunnerini arfineq pingasuni tusarniaanermut nittartakkami saqqummiunneqarsimasut Naalakkersuisunit paasissutissiissutigineqarpoq. Naalakkersuisut tusarniaanermut akissutinik tigusaqanngillat.

#### **3.2 Inatsisartut ataatsimiititaliaasa allat peqataatinneqarnerat**

Aalajangiiffigisassatut siunnersuutip matuma Inuussutissarsiornermut Ataatsimiititaliamit suliarineqarneranut atatillugu Aatsitassanut Ataatsimiititaliaq aammalu Nunanut Allanut Sillimaniarnermullu Ataatsimiititaliaq tusarniarlugit aggersarneqarnissaat Inuussutissarsiornermut Ataatsimiititaliamit kissaatigineqarpoq. Tamatumani ataatsimiititaliat taakku marluk aalajangiiffigisassatut siunnersuummut uunga isummamik tusartinnissaannut periarfissinneqarlutik. Ataatsimiititaliani pingasuni tamani illuatungiliuttut siunnersuutit suliarineqarnerisa nukingiuinneqarnerat immikkut erseqqissaatigaat aammalu siunnersuutit inuiaqatigiinnut kingunerisassaasat erseqqinnerusumik qulaajarneqarnissaat pisariaqartillugu. Naalakkersuisooqatigiit erseqqissaatigaat suliaq 2013-imili maanna ingerlanneqalersoq aammalu naalakkersuisooqatigiit isumaat malillugu naammaginartumik paasinarsisinneqarsimasoq. Oqallinnerit tunngavigalugit siunnersuutit aappassaaneerneqarnissaannut akissuteqarfigineqartussanik Naalakkersuisunut apeqquteqartoqarnissaa isumaqatigiissutigineqarpoq. Aggeqqusissut isumaliutissiisummut matumunnga ilanngussatut ilanngunneqarpoq.

#### **3.3 Naalakkersuisunut apeqqutit**

Inuussutissarsiornermut Ataatsimiititaliap isumaqatigiissutit suliarineqarnerannut atatillugu Aatsitassanut Ataatsimiititaliaq aammalu Nunanut Allanut Sillimaniarnermullu Ataatsimiititaliaq ulloq 28. novembarimi tusarniaaffigalugit ataatsimeeqatigai. Ataatsimiititaliat marluk taaneqartut Inuussutissarsiornermut Ataatsimiititaliap suliarinninnerani ilanngussinissamut periarfissinneqarnissaannik kissaateqarnek tunngavigalugu ataatsimiinneq ingerlanneqarpoq.

Oqallinnerit taakku tunngavigalugit apeqqutit matuma kingulianiittut aappassaaneerinninnermi akissuteqarfigineqarnissaat ataatsimiititaliamit kissaatigineqarpoq:

Tusarniaanerup ingerlanneqarnera:

Siunnersuutit 150, 151, 152, 157, 158 aamma 159 (matuma kingornagut siunnersuutitik taagorneqartut) ulloq 12. juunimit ulloq 6. august 2015-imut tusarniaassutigineqarput, tassa aasap ingerlanerani katillugilli sapaatip akunnerini arfineq pingasuni, tamannalu tusarniaasarnermi nalinginnaasumik piffissamit atorneqartartumit sivilunerulluni. Tusarniaanermut atatillugu tusarniaanermut akissutitik tigusaqartoqarsimangitsoq Naalakkersuisut paasissutissiippat. Aammattaaq tusarniaaneq Naalakkersuisut tusarniaanermut nittartagaat aqqutigalugu ingerlanneqarsimasoq Naalakkersuisut paasissutissiippat.

- Naalakkersuisut tusarniaanermut nittartagaat kisiat aqqutigalugu tusarniaasoqarsimava, taamaassimappallu sooq?
- Siunnersuutit kommunitut imaluunniit Naalakkersuisunut, assersuutigalugu Aningaasaqarnermut Naalakkersuisoqarfimmu Peqqinnissaqarfimmulluunniit tusarniutigineqarsimappat?
- Siunnersuutit sulisartut kattuffiit tusarniutigineqarsimappat?
- Siunnersuutit sulisitsisut kattuffiit tusarniutigineqarsimappat?
- Siunnersuutit KANUKOKA-mut tusarniutigineqarsimappat?
- Siunnersuutit Namminersorlutik Oqartussat ataanni suliffeqarfimmut tusarniutigineqarsimappat?
- Siunnersuutit Namminersorlutik Oqartussat ingerlatseqatigiiffiit tusarniutigineqarsimappat?
- Siunnersuutit Namminersorlutik Oqartussat ingerlatseqatigiiffiit namminersortitanut tusarniutigineqarsimappat?
- Tusarniaanermut akissutitik tigusaqartoqannginnera nalinginnaasua?
- Tusarniaanermut ingerlanneqarnera naammaginartumik ingerlanneqarsimasoq Naalakkersuisut isumaqarpat?
- Tusarniaanerup ingerlanneqarneranut atatillugu attuumassuteqartunik allanik Naalakkersuisut paasissutissiisuteqarsinnaappat?

Siunnersuut 150:

- Siunnersuutip akuerineqarnissaani ilisimasassat misilittagassallu Kalaallit Nunaanni ullumi pigineqarpat?
- Siunnersuutip atuutsinneqalernerani aningaasartuutaasussat Kalaallit Nunaannit Danmarkimiilluunniit akilerneqassanersut Naalakkersuisut paasissutissiisutiginnaavaat?
- Siunnersuut atuutsinneqalissappat allaffissornikkut aningaasaqarnikkullu suut nunatsinni pisariaqartinneqarpat?

UKA2015/150, 151, 152, 157, 158 159-ilu

J.nr.: 01.25.01/15EM-LABU-000150

J.nr.: 01.25.01/15EM-LABU-000151

J.nr.: 01.25.01/15EM-LABU-000152

J.nr.: 01.25.01/15EM-LABU-000157

J.nr.: 01.25.01/15EM-LABU-000158

J.nr.: 01.25.01/15EM-LABU-000159

J.nr.: 01.36.02.03-00143

- Siunnersuummi piumasaqaatit nunatsinnit eqquutsinneqarnissaat Naalakkersuisunit qanoq qulakkeerniarneqarnersoq nassuiaatigeqqullugu Naalakkersuisut qinnuigineqarput?
- Kalaallit Nunaanni eqqagassanik radiup qinngornerinik akulinnik uninnatitsisoqassanersoq passussisoqassanersorluunniit pillugu innuttaasut isumaannik Naalakkersuisut qanoq pissarsiniarsimappat?

## Siunnersuut 151:

- Siunnersuummut ilanngunnissaq pisussaaffinnaasoq aammalu nunarput inatsisitigut aningaasaqarnikkulluunniit pituttorneqassanngitsoq kiisalu qanoq periuseqarnissamut kiffaanngissuseqartitsiviusoq Naalakkersuisut paasissutissiipput. Taamaattorli ilanngunnermi akileraartarnermut pinerluttulerinermilu inatsisit allanngortinneqarnissaat pisariaqartoq Naalakkersuisut paasissutissiipput. Inatsisit sorliit allanngortinneqassanersut nassuiaatigeqqullugu Naalakkersuisut qinnuigineqarput. Kiisalu inatsit allanngortinneqassappat Inatsisartut allannguutissanik suliaqarnissaat pisariaqartoq Naalakkersuisunit isumaqatigineqarnersoq oqaatigeqquneqarluni.
- Siunnersuummi pisussaaffiit naammassiniarlugit nunatsinni upalungaarsimanissamut pilersaarutit sorliit pisariaqartinneqassappat aammalu nunatsinni upalungaarsimanissamut pilersaarutit taamaattut ullumikkut pigineqarpat?
- Radiup qinngornerinik akulinnik ajutoornerit qanoq ittut nunatsinnit iliuseqarfigineqartussat naatsorsuutigineqarsinnaappat, ima paasillugu nunarput isumaqatigiisummut tassunga ilanngunnermini naalagaaffinni allani radiup qinngornerinik akulinnik ajutoortoqarnerani imaluunniit qinngornernik ajornartoortoqarnerani nunarput aamma ikiuussinnaassava?

## Siunnersuut 152:

- Umiarsualiviit mittarfiillu eqqarsaatigalugit siunnersuutip atuutsilernerani pisussaaffiit qanoq ittut piumasaqaataassappat?
- Siunnersuutip atuutsinneqalernerani aningaasartuutit Kalaallit Nunaannit imaluunniit Danmarkimit akilersorneqassappat aammalu aningaasartuutit qanoq ittut tamatumuma nassatarissavai?
- Nunatsinni yellowcakeliorfinnik aatsitassarsiorfeqalissappat tamatuma nakkutillivigineqarnissaa Naalakkersuisunit qanoq qulakkeerniarneqarpa?
- Siunnersuut taanna atuutsinneqalissappat ilinniartitaanikkut piumasaqaatit suut tunngavissaatinneqassappat aammalu nunatta taakku eqquutsinnaassavai?
- Isumaqatigiisut taanna malinniarlugu assartuineranut tunngasut nakkutillivigineqarnissaannik piumasaqaatigineqartoq Naalakkersuisunit qanoq qulakkeerniarneqarpa?

## Siunnersuut 157:

Isumaqatigiisummut ilannguttoqassappat sulisartut qinngornernut ingerlaartunut (ioniserende) illersorneqarnissaannut maleruagassat allaffissornikkut periusissat

tamarmik pilersinneqarsimanissaat pisariaqarpoq – tamakku nunatsinni pisimappat? Tamatumunnga qanoq annertutigisumik aningaasartuuteqartoqarsimava?

- Nunami, imaani silaannarmilu sulinermi illersuutitut atortulersuutit taaneqartut pilersinneqarnissaannut akisussaaffik Danmarkip isumagisassaraa. Imaani sulinissamut atortulersuutitik pisariaqartinneqartunik pilersitsinissaq nunatta akisussaaffigaa. Pisussaaffik naammassiniarlugu Naalakkersuisut qanoq iliuseqarniarnersut aammalu tamatumani qanoq aningaasartuuteqartoqassanersoq paasissutissiissutigeqqullugu Naalakkersuisut qinnuigineqarput.
- Isumaqatigiisummut tassunga ilanngunnissaq pillugu sulisartut kattuffii susassaartut tusarniarneqarsimappat?

Siunnersuut 158:

- Atortussat radiup qinngornerinik akullit sakkussanik sanaartornermut atorneqannginnissaat siunnersuutip qulakkiissavaa – Siunnersuutip taassuma atuutsilernerani allaffissornikkut, suliassatigut aningaasaqarnikkut qanoq ittunik pisussaaffealissanersoq tamatumunngalu qanoq aningaasartuuteqartoqassanersoq Naalakkersuisut paasissutissiissutigisinnaavaat?

Siunnersuut 159:

- Nunarput qanoq siunertaqarluni isumaqatigiisummut tassung ilanngunniarnersoq Naalakkersuisut naatumik ersarissumillu paasissutissiissutigisinnaavaat?

#### **4. Ataatsimiititaliap siunnersuutitik suliarinninnera**

##### ***4.1 UKA2015/150 (Eqqagassalerinermut isumaqatigiissut)***

Kalaallit Nunaat isumaqatigiisummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuutip tamatuma Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiissummi matumani kapitali 6-ip ataani saqqummiutissavaat.

**4.2 UKA2015/151 (Ikiunnissamut nunani tamalaani isumaqatigiissut)**

Kalaallit Nunaat isumaqatigiissummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuutip tamatuma Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiissummi matumani kapitali 6-ip ataani saqqummiutissavaat.

**4.3 UKA2015/152 Siunnersuut: Inatsisartut aalajangiiffigisassaattut siunnersuut Namminersorlutik Oqartussat akuersissutigigaat Atomip nukinganik sakkoqarluni pinerliiniartoqartarneranut akiunermut Nunarsuarmioqatigiit isumaqatigiissutaat**

Kalaallit Nunaat isumaqatigiissummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuutip tamatuma Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiissummi matumani kapitali 6-ip ataani saqqummiutissavaat.

**4.4 UKA2015/157 (sulisartut qinngornernut ingerlaartunut (ioniserende) illersorneqarnissaat pillugu ILO-p isumaqatigiissutaa nr. 115)**

Kalaallit Nunaat isumaqatigiissummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuutip tamatuma Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiissummi matumani kapitali 6-ip ataani saqqummiutissavaat.

**4.5 UKA2015/158 Uunga siunnersuut: (IAEA-imi atomip nukiganit atortussianik inissisimaffini isumannaarinissaq pillugu nunani tamalaani isumaqatigiissummut allannguummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut)**

Kalaallit Nunaat isumaqatigiissummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuutip tamatuma Inuussutissarsiornermut Ataatsimiititaliamit politikikkut ataatsimoorfigineqarsinnaasorinangilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiissummi matumani kapitali 6-ip ataani saqqummiutissavaat.

rinanngilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiisummi matumani kapitali 6-ip ataani saqqummiutissavaat.

**3.6 UKA2015/159 Uunga siunnersuut: (Atomip nukinganut isumannaallisaaneq pillugu IAEA-imi nunani tamalaani isumaqatigiisummut Namminersorlutik Oqartussat akuersinissaat pillugu oqaaseqaateqarnissaq pillugu Inatsisartut aalajangiiffigisassaattut siunnersuut)**

Kalaallit Nunaat isumaqatigiisummut tassunga ilannguttariaqarnersoq Inatsisartunit isumaqatigiiffiunngimmat ataatsimiititaliamit oqaatigineqartariaqarpoq. Tunngavissatut pigineqartut tunngavigalugit aalajangiiffigisassatut siunnersuutip tamatuma Inuussutissarsiornermut Ataatsimiititaliamit politikikkut ataatsimoorfigineqarsinnaasorinanngilaq. Taamaattumik naalakkersuisooqatigiit illuatungiliuttullu politikikkut isummatik isumaliutissiisummi matumani kapitali 6-ip ataani saqqummiutissavaat.

**5. Siunnersuutip aningaasaqarnikkut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnerani aningaasaqarnikkut allaffissornikkullu kingunerisassat siunnersuummut tunngavilersuummi allaaserineqartassasut.

**5.1 UKA2015/150 Siunnersuutip aningaasaqarnikkut kingunerisassai**

Naalakkersuisut aalajangiiffigisassatut siunnersuummi oqaatigaat: Kalaallit Nunaata isumaqatigiisut akuersissutigiguniuk tamatumalu kingorna Kalaallit Nunaata aatsitassanik radioaktiviussunik atomip nukinganik ikummatitut atorineqarsinnaasunik piiaasoqarnissaa akuersissutigiguniuk, taava Kalaallit Nunaat paasissutissanik nassiussalissaaq nassuiassallugulu qanoq aqqissuussinikkut Kalaallit Nunaata qaarusunnit pineqartunit eqqagassat toqqortarisarnerai, kiisalu Kalaallit Nunaat qaarusunnut matoqqasunut qanoq periaaseqarnersoq. Aalajangiiffigisassatut siunnersuutip atortutigut aningaasaqarnikkut sunniutissai taama allaaserinninnermi erseqqinnerusumik nassuiarneqarsorinanngillat.

**5.2 UKA2015/151 Siunnersuutip aningaasaqarnikkut kingunerisassai**

Nunani tamalaani isumaqatigiisut naalagaaffiit ilaasortaasut inatsisitigut imaluunniit aningaasaqarnikkut pisussaaffiinik immikkuullarissunik imaqaanngilaq; ”pisussaaffiit” ilaatinneqartut qulakkeerneqassapput, kisianni nunani tamalaani isumaqatigiisut piumasqaatinik imaluunniit pisussaaffinnik immikkuullarissunik innersuussuteqaanngilaq, taamaattumik tamanna pillugu periaasissanik killilersuisoqarani. Nunani tamalaani

isumaqatigiissutip ataani pisussaaffinnik naammassinninnissamut, ilaatigut akileraartarnermut aamma pinerluttulerinermut inatsisini allannguuteqartitsisoqartariaqassaaq. Akileraartarneq pillugu inatsimmi allannguutit aningaasaliissutinit immikkoortinneqartunit akilerneqarsinnaasut ataatsimiititaliamit ilimagineqarpoq.

### **5.3 UKA2015/152 Siunnersuutip aningaasaqarnikkut kingunerisassai**

Naalakkersuisut aalajangiiffigisassatut siunnersuummi oqaatigaat: Isumaqatigiissutip akuersissutigineqarneranut atatillugu Kalaallit Nunaanni pinerluttaalisitsinerneq inatsimmi allannguuteqartitsisoqassaaq. Eqqartuussiveqarnerneq tunngasut naalagaaffiup ataaniimmata tamanna aningaasaqarnikkut toqqaannartumik kinguneqassanngilaq.

### **5.4 UKA2015/157 Siunnersuutip aningaasaqarnikkut kingunerisassai**

Isumaqatigiissutip akuersissutigineqarneranut atatillugu inatsisiliortoqassaaq, inatsisillu atortinneqarneranut nakkutilliinermik aaqqissuussisoqarluni. Naalakkersuisut aamma UKA 2015-imi inatsisissatut siunnersuummik saqqummiussaqaassapput qinngornernut ingerlaartunut tunngatillugu aamma tamatumunnga atatillugu sillimaniarnerneq tunngasutigut aaqqissuussinernik. Inuussutissarsiortut ilassutitut aningaasartuuteqalissapput ataasiakkaatigut, uppersaasiortarnikkut aammalu pisariaqarfiatigut sulisuusut illersorneqarnerannut. Aalajangiiffigisassatut siunnersuutip atortutigut aningaasaqarnikkut sunniutissai taama allaaaserinninnermi erseqqinnerusumik nassuiarneqarsorinangillat.

### **5.5 UKA2015/158 Siunnersuutip aningaasaqarnikkut kingunerisassai**

Tunuarsimaarnissamut aalajangersakkap atortuujunnaarnerata imaaliinnarluni kingunerisassaa qinngornernut ulorianartunut Kalaallit Nunaanni illersuinissamut inatsisiliortoqarnissaa, inatsisinilu aalajangersarneqassasoq isumaqatigiissummi aalajangersakkanut aalajangersimasunut tunngatillugu pineqaatissiisoqarsinnaalernissaa, ilaatigut qinngornernit ulorianartunut atortussianik tillinniarneq, qinngornernik ulorianartunik pissusissaritaanngitsumik periaaseqarluni pissarsineq (assersuutigalugu pinerluuteqarnikkut) aamma piaraluni ajoqusiisumik qinngornernik ulorianartunik atuineq).

Inatsisiliornikkut aamma isumannaarniarneqassaaq Kalaallit Nunaanniit innuttaasunik tunniussisoqarsinnaanissaa, iliutsit isumaqatigiissummik unioqqutitsineruppata atomip nukinganit atortussiat inissisimaffini isumannaarisarneq eqqarsaatigalugu. Aalajangiiffigisassatut siunnersuutip atortutigut aningaasaqarnikkut sunniutissai taama allaaaserinninnermi erseqqinnerusumik nassuiarneqarsorinangillat. Kalaallit Nunaannit

innuttaasunik tunniussisoqarsinnaanissaanut tunngasumik inatsisiliornissaq Naalagaaffimmit akisussaaffigineqartoq ataatsimiititaliamit naatsorsuutigineqarpoq.

### **5.6 UKA2015/159 Siunnersuutip aningaasaqarnikkut kingunerisassai**

Nunani tamalaani isumaqatigiissutip pingaarnertut atuuffissaa – atomip nukinganik nukissiorfimmi isumannaallisaanermut tunngasut – Kalaallit Nunaanni nukissiorfinnut imaluunniit ingerlatanut tunngassuteqassasut takuneqarsinnaanngilaq, taamaalillunilu aamma nunani tamalaani isumaqatigiissutip Kalaallit Nunaannut atuunnissaanik tunuarsimaarfeqarnerup atorunnaarsinneqarnerani, taassuma atuunnerani, tassunga atatillugu inatsisitigut sunniteqassasoq takuneqarsinnaanngilaq.

## **6. Ataatsimiititaliap inassuteqaatai**

### **6.1 UKA2015/150**

Siunnersuut akuerineqassasoq ataatsimiititaliami amerlanerussuteqartut Siumut, Demokraatit Atassutillu inassutigaat

**Ataatsimiititaliami ikinnerussuteqartut** Inuit Ataqaatigiit siunnersuut pillugu ima oqaaseqarumapput:

Isumaqatigiissut taanna naapertorlugu suliassat naammaginantumik naammassissagaanni annertuumik aaqqissuussaanikkut suliaqartoqartariaqassaaq allaffissormikkullu isumannaatsumik ingerlatsisoqartariaqarluni. Ullumikkut taamatut piginnaaneqanngilagut, Inuit Ataqaatigiinniillu apeqquserparput aaqqissuussinikkut piareersimanerluta imaluunniit ukiut amerlanngitsut ingerlaneranni piareersimasinnaalissanerluta.

Ataatsimiitsitaliamilu suliarinninnitsinni akissut ersarisoq pinikuunngilarput, qinnutigigaluarlugulu kinguartinnerisigut suliaq sukumiisumik misissorluarneqarnissaa.

Siullermeerinermi piunasaqarnikuuvugut Eqqissimatitsinermut Avatangiisinullu ataatsimiitsitaliamut ingerlanneqarnissaa

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut itigartinneqassasoq inassutigaat.



### 6.2 UKA2015/151

Siunnersuut akuerineqassasoq ataatsimiititaliami amerlanerussuteqartut Siumut, Demokraatit Atassutillu inassutigaa

**Ataatsimiititaliami ikinnerussuteqartut** Inuit Ataqaatigiit siunnersuut pillugu ima oqaaseqarumapput:

Nassuerutigineqartariaqarpoq radiop qinngorneranik akullit ulorianartuusut, ajutoortoqarsinnaasoq aamma ajutoortoqartarpoq. Taamaammat uumatut ittunik isumaqaatigiissuteqartoqartarpoq. Taamaakkaluartorli qangali ilaasortanngornikuunnginnatta sooq massakkorpiaq ilaasortanngornissarput takusinnaanngilarput.

Siullermeerinermi Nunanut allanut Sillimaniarnermullu Ataatsimiititaliami, Eqqissisimatitsinermut Ataatsimiititaliami kiisalu Inatsisinik Atuutsitsinermut Ataatsimiititaliami innersuunnikuugaluarparput. Sukumiisumik suliarineqarnissaa tunngavigalugu.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut itigartinneqassasoq inassutigaa.

### 6.3 UKA2015/152

Siunnersuut akuerineqassasoq ataatsimiititaliami amerlanerussuteqartut Siumut, Demokraatit Atassutillu inassutigaa

**Ataatsimiititaliami ikinnerussuteqartut** Inuit Ataqaatigiit siunnersuut pillugu ima oqaaseqarumapput:

Inuit Ataqaatigiinnit erseqqissumik oqaatigiumavarput ullumikkut isumaqaatigiissutip pineqartup ilannguffigineqarnissaanik siunnersuummik eqqartuinermi aarlerissuteqaratta pingaartilluinnarlugulu sukumeeqqissaartumik ataatsimiitsitaliani suliarineqarnissaa.

Taamaattumik siullermeerinermi siunnersuut Nunanut Allanut Sillimaniarnermullu Ataatsimiititaliami sukumiisumik suliarineqartussatut innersuukkaluarparput.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut itigartinneqassasoq inassutigaa.

**6.4 UKA2015/157**

Siunnersuut akuerineqassasoq **ataatsimiititaliami amerlanerussuteqartut** Siumut, Demokraatit Atassutillu inassutigaa

**Ataatsimiititaliami ikinnerussuteqartut** Inuit Ataqtigiit siunnersuut pillugu ima oqaaseqarumapput:

Inuit Ataqtigiinni kissaatigigaluarparput isumaqtigiissummut sulisartut illersorneqarnissaannik siunertalimmut akuersaarsinnaanissarput, taamaaliussaguttali piumasaraarput isumaqtigiissummi nunatsinnut piomasqaataasut naammassineqarsinnaanersut Naalakkersuisut erseqqissumik akissagaat. Aamma nunatsinni uranisiortoqassanersoq innuttaasunit isummerfigineqartinnagu taamatut aalajangersaasinnaangilagut.

Ilanngullugu kissaatigaarput sulisartut kattuffii tusarniaafineqaaqqaarsimassasut suliaartullu kattuffii qanimut suleqatigalugit suliassat isumaqtigiissuttip atsiorderanit suliassaalertussat qulaajaaffigineqassasut.

Siunnersuutip Ilaqtariissutsimut Peqqissutsimullu Ataatsimiititaliami, Aalisarnermut, Piniarnermut Nunalerinermullu Ataatsimiititaliami kiisalu Eqqissisimatitsinermut Avatangiisinullu Ataatsimiititaliami sukumiisumik suliarineqarnissaa innersuussutigaa.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut **itigartinneqassasoq** inassutigaa.

**6.5 UKA2015/158**

Siunnersuut akuerineqassasoq **ataatsimiititaliami amerlanerussuteqartut** Siumut, Demokraatit Atassutillu inassutigaa

**Ataatsimiititaliami ikinnerussuteqartut** Inuit Ataqtigiit siunnersuut pillugu ima oqaaseqarumapput:

Isumaqtigiissummi aamma uani piomasqaataavoq nunatsinni upalungaarsimanissamut atortutigut allaffissornikkullu annertuunik piareersimatitaqassasugut. Nunatsinni tamanna akissaqartinnerparput? Qanoq ililluta qaqugulu tamanna isumannaareersimassaneripput

qanorlu akissaqartissaneripput siunnersuummut akuersaartigata Naalakkersuisunit erseqqissumik akeqquarput.

Siunnersuut manna Nunanut Allanut Sillimaniarnermullu Ataatsimiititaliami, Sanaartornermut Ataatsimiititaliami kiisalu Inatsisunik Atuutsitsinermit Ataatsimiititaliami sukumiisumik suliarineqassasoq innersuussutigaarput.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut **itigartinneqassasoq** inassutigaat.

#### **6.6 UKA2015/159**

Siunnersuut akuerineqassasoq **ataatsimiititaliami amerlanerussuteqartut** Siumut, Demokraatit Atassutillu inassutigaat


**Ataatsimiititaliami ikinnerussuteqartut** Inuit Ataqtigiit siunnersuut pillugu ima oqaaseqarumapput:

Naalakkersuisunit erseqqissumik paaserusupparput, siunnersuut una tunngavigalugu nunatsinni atomip nukinganik ikummatilinnik atuisoqarnissaa imaluunniit sanaartortoqarnissaa pilersaarutaanersoq? Inuit Ataqtigiinni atomip nukinganik atuineq akerleraarpud. Taamaattumik siunnersuut manna ilalersunngilarput.

Siunnersuutip Sanaartornermut Ataatsimiititaliami, Nunanut Allanut Sillimaniarnermullu Ataatsimiititaliami aammalu Inatsisunik Atuutsitsinermit Ataatsimiititaliami sukumiisumik suliarineqarnissaa innersuussutigaarput.

Tamanna tunngavigalugu **ataatsimiititaliami ikinnerussuteqartut siuliani taaneqartut** siunnersuut **itigartinneqassasoq** inassutigaat.


Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuutit aappassaaniigassanngortippaat.



Siverth K. Heilmann,  
Siulittaasoq



Aqqaluaq B. Egede,  
Siulittaasup tullia



Justus Hansen



Suka K. Frederiksen



Iddimanggiu Bianco



Aatsitassanut Ataatsimiititaliaq  
NASA/ Inuussutissarsiornermut Ataatsimiititaliaq  
/MAANI

Ulloq: 27. november 2015  
J.nr.: 01.36.02.02-00155

**NASA-p Aatsitassanullu Ataatsimiititaliap isumaqatigiissutitut 151, 152 il.il. oqaaseqaataat tusarniarlugit NASA Aatsitassanullu Ataatsimiititaliaq arfininngornermi ulloq 28. november, nal. 11.00-12.30, ataatsimiittarfik 2-mi ataatsimiinnissamut Inuussutissarsiornermut Ataatsimiititaliamit aggersarneqarput.**

Asasakka NASA-mi Aatsitassanullu Ataatsimiititaliamut ilaasortat

Isumaqatigiissutit arfinillit UKA 2015/151 aamma UKA 2015/152-imut ilaatinneqartut Inuussutissarsiornermut Ataatsimiititaliami sularineqartussatut innersuunneqarput. Isumaqatigiissutilli ataatsimiititaliat arlallit suliassaqaarfiinut attuumassuteqarput. Taamaattumik isumaqatigiissutit arfinillit ataatsimiititaliat taakku marluk suliassaqaarfiisa ataaniittut pillugit apeqqutit oqaaseqaarfiginissaannut NASA-p Aatsitassanullu Ataatsimiititaliap periarfissinnissaat Inuussutissarsiornermut Ataatsimiititaliamit kissaatigineqarpoq.

Taamaattumillu matumuuna ataatsimiinnissamut aggersarneqarpusi.

Aallarniutigalugu paasissutissiissutigineqassaaq ataatsimiinneq Siverth K. Heilmannimit aqunneqassamat.

### **Ataatsimut ataatsimeeqatigiinnissap ingerlanneqarnissaa**

Ataatsimut ataatsimeeqatigiinnissap pissarsiviullunilu pitsaasumik ingerlanneqarnissaa qulakkeerniarlugu Inuussutissarsiornermut Ataatsimiititaliamit siunnersuutigineqassaaq ataatsimiititaliat taakku tulleriarlutik oqaaseqaateqassasut aammalu USPU siulliullugu, tamatumalu kingorna Aatsitassanut Ataatsimiititaliaq tusarniarneqassasut.

Pisariaqartinneqassappat Inuussutissarsiornermut Ataatsimiititaliamit siunnersuutigineqassaaq ataatsimiititaliat susasaqartut tamarmik isumaqatigiissutitut oqaaseqaateqarnissaminnut minutsinik 45-nik piffissaqartinneqassasut

Inussiarnersumik inuulluaqqusillunga



Sivert K. Heilmann

Ataatsimiititaliap siulittaasua